

## Efesios

### *Efeso macainare joarocaha Paulo*

<sup>1</sup> Yũhũ Paulo m̃sare Efeso macainare joarocaja. Yũhũ Jesucristo yare buhe dutiro to cũriro jija. Cohamacũ to cahmano seheta Jesu yũhare to yare buhehtirore cũre. ˆ jicũ m̃sare Cohamacũ yainare Jesucristore ˆ wacũ tuarucuinare joarocaja yũhũ. <sup>2</sup> ˆ joarocacũ yũhũ m̃sare noa dutija. Cohamacũ mari Pũcũ, ˆ yoa mari pũhtoro Jesucristo cũhũ m̃sare noano yoa, noano jichũ yoajaro.

### *Cristo yaina mari jichũ ñũno Cohamacũ noano yoara marine*

<sup>3</sup> Cohamacũ, mari pũhtoro Jesucristo Pũcũro marine noano yoarucura Cristo yaina mari jichũ ñũno. Jipihtia to ya m̃ano macaa noaa mehne tiro marine noano yoarucura. Espĩritu Santo mehne marine ˆ noano yoarucura. To ˆ yoariro jichũ ñũna noano ño payoa mehne tirore noano wahche payojihna. <sup>4</sup> ˆ sehe yoaa tiri jire tiro marine to yainare: Ahri yahpare to bajuamehnehto pano mipare to yaina jhtinare beseyu tuhsũa tiri jire tiro marine. ˆ besea tiri jire marine ñaa buhiri marieina mari jihto sehe. ˆ yoana ñaa buhiri marieina jija mari, Cohamacũ to ñũchũ. ˆ jiro marine “Ñaa buhiri tiina jira”, nisi tiro. <sup>5</sup> Panopũ ˆ sehe nia tiri jire tiro marine: “Yũ macũ Cristo tinare to yoabasari mehne tina yũ pohna jiahca”,

ni cūa tiri jire marine panopu. To ji coariro se-heta to cahmariro seheta ã wahachu yoaa tiri jire tiro marine. <sup>6</sup> Wiho jiina mari jipachuta marine to ã noano yoachu ñana ño payoa mehne tirore noano durucujihna. To macuño to cahñiro yaina mari jichu ñuño noano marine yoara tiro. Æ jina tirore noano durucujihna. <sup>7-8</sup> Cristota jira marine pichacapu wahaborinare yuhduchu yoariro. Cristo mari ñaa buhirire yariabasaro, to dire cohã, mari ñaa yoari buhirire cohãri jire. Mari ñaa yoari buhirire to cohãchu ñuño, Cohamacu sehe mari ñaa buhirire bonocahna. Marine ñaa dihtare yoaborinare ã cahmano marine noaputiaro yoari jire Cohamacu. Æ yoa marine to ã yoainare noano waro tuho masiina wahachu yoari jire. <sup>9-10</sup> Tuho masiina wahachu yoa, baharopu to yoahore marine masichu yoare. Panopu painare tíre masichu yoarerari jire tiro. Õ sehe jira baharopu to yoahore: Tiro to cahmariro seheta to tuhoturiro seheta jip-ihtinare cū curuata Cristo yaina jichu yoarohca. Æ jiro jipihtiare to ya jichu yoarohca. To quihõri pja mu sūchu muano macainare, ahri yahpa macaina cūhure, cū curuata to yaina jichu yoarohca tiro. Æ yoa muano macaare, ahri yahpa macaa cūhure to ya jichu yoarohca. Æ jiro Cristo sehe jipihtina bui puhtoro jirohca. Æ yoa jipihtia puero jirohca. Æ jihtiro ji dutia tiha Cohamacu tirore.

<sup>11</sup> Æ yoaro Cristo yaina mari jihtore masino panopu Cohamacu marine bese tuhsua tiha to yaina mari jihtinare. Ahri jipihtiare to yoarire, baharopu to yoahore cūhure, “Æ waharohca”, ni cūyua tiha tiro to tuhoturiro seheta, to cahmariro

seheta yoaro taro. ã yoaa tiha tiro to yare sã yoahto cjihtore. <sup>12</sup> Sã sehe judio masa Cristore cahma mahtaina jina sãre to yuhduchu yoahtore cohta mahtaina jija. Cohamacu sãre besea tiha to yare sã yoahto cjihtore. Cohamacu yare sã ã yoachu ñua, paina tirore ño payo, “Tuariro jira”, ti nihto sehe Cohamacu sãre besea tiha. <sup>13</sup> MUSA cãhu quihõno durucualeta noaa buheare tuhore. Tí buhea “Cohamacu cahapu mUSA waha duachu, õ sehe jira”, ni yahura marine. Tíre tuhona tirore wacũ tua, noano tuhona to yaina wahare mUSA. To yainare õ sehe niri jire Cristo: “MUSARE Espiritu Santore warocaihtja”, ni yahu cũri jire. <sup>14</sup> ã jiro tirore mUSA wacũ tua, noano tuhochu ñano to yairo Espiritu Santore ware musare. ã jiro Espiritu Santo mari mehne jiro Cohamacu yaina mari jia tiare masichu yoara tiro sehe. ã yoa Espiritu Santo parore masichu yoara. Cohamacu mari ñaa buhirire bore marine yuhduchu yoaro. ã jiro baharo to cahapu naano hca marine to yainare. Marine to naahto pano Espiritu Santo sehe Cohamacu cahapu mari sari baharo to yare mari cjahtore masichu yoara marine. Cohamacu marine ã yoara tirore ño payoa mehne “Noariro jira”, mari nihto cjihtore.

*Paulo Cohamacure sini payoha Jesu yainare*

<sup>15-16</sup> Cristore wacũ tuaina mUSA jichu tuhoro cacu Cohamacure ã sini payorucuja musare. Mari puhtoro Jesucristore mUSA wacũ tuarire, jipihina to yainare mUSA cahirire tuhoro cacu Cohamacure “Noana”, nija. <sup>17</sup> Õ seheta tirore sini payoja musare: Cohamacu mmano macariro

mari p̄htoro Jesucristo P̄curo, noa ȳhd̄ariro to yare m̄sa noano masihto sehe sini payoja. ã yoaro tirore m̄sa noano masihto sehe sini payoja m̄sare. <sup>18</sup> ã jic̄u paye ȳu nihti c̄h̄ure m̄sa noano masihto sehe m̄sare sini payoja Cohamac̄ure. Tiro m̄sare ȳhd̄uch̄u yoaro, to yaina c̄j̄htire yoare. To ã yoach̄u noa ȳhd̄ara marine. T̄ire m̄sa masihto sehe sini payoja m̄sare Cohamac̄ure. ã yoa marine to wahtire noa ȳhd̄u t̄i waro ti jich̄u c̄h̄ure m̄sa masiyuhto sehe sini payoja m̄sare Cohamac̄ure. <sup>19</sup> Õ sehe c̄h̄ure m̄sa masihto sehe sini payoja m̄sare Cohamac̄ure. Cohamac̄ure wac̄u tuaina mari jich̄u ñ̄no to tuaa mehne marine yoadohora tiro. Tiro sehe paina bui tua ȳhd̄ariro jira. T̄i c̄h̄ure m̄sa masihto sehe sini payoja Cohamac̄ure. <sup>20</sup> T̄i to masia mehne, to tuaa mehne tiro Cristo yariarirore masori jire. ã maso tuhs̄uro, m̄anop̄u to poto b̄h̄usehei Cristore dujich̄u yoari jire Cohamac̄u, j̄pihtinare dutihtiro to j̄hto sehe. <sup>21</sup> T̄oí dujiro j̄pihtina m̄ano macaina p̄htoa bui, ã yoa j̄pihtina ahri yahpa macaina dutiina bui j̄riro jira Cristo. M̄ip̄are j̄pihtina ahri dacho macaina bui p̄htoro jira. Baharop̄u j̄pihtina pa tjuru macaina c̄h̄ure ti bui p̄htoro j̄htiro c̄j̄htota jira tiro. <sup>22</sup> ã yoa j̄pihtina bui c̄uri jire Cohamac̄u Cristore. ã yoaro j̄pihtiare p̄u tich̄u yoari jire tirore. ã jiro Cristo yaina c̄u curua j̄ina bui p̄htoro s̄ori jire tirore. Ti dapu jira tiro sehe. <sup>23</sup> Cristo yaina c̄u curuata jina, to p̄jac̄u yoaro sehe j̄ja mari. Cristo j̄pihtirop̄u ã j̄rucura. ã jina mari to yaina mehne to j̄rucuch̄u,

to jiro seheta wahana nija. ã wahana to jia tiare ñona nija.

## 2

*Cohamacu yuhdurucaina, pja ñuno yuhdurucaina yoaha marine*

<sup>1</sup> Cohamacu yuhdurucaina, ñaa buhiri tiina yari-  
aina cjiri yoaro sehe jiri jimare musa, Cohamacu  
to ñuchu. <sup>2</sup> Panopure ahri yahpa macaina Co-  
hamacure yuhdurucaina yoaro sehe yoarucuri ji-  
mare musa cūhu. ã yoana watino to dutiro seheta  
yoarucuri jimare musa. Tiro watino ahri yah-  
pai dutiro Cohamacure yuhdurucaina puhtoro  
jira. Watia puhtoro cūhu jira tiro. <sup>3</sup> Panopure  
jipihina mari ã dihta yoarina jimai. Mari ñaa  
dihtare goa pjamai. Mari mu saro, mari tūhotu,  
mari cahmano seheta yoamai. ã yoaina jina jip-  
ihina paina yoaro seheta, mari cūhu ñaa buhiri  
tiina jirucumai. Mari ã jiina jiri buhiri, Co-  
hamacu to buhiri dahreborina jimai. <sup>4</sup> Mari ã  
jiina jipachuta, Cohamacu marine tuaro pja ñuno,  
noano cahiri jire marine. <sup>5</sup> ã cahi yuhdaro, Co-  
hamacure yuhdurucaina, yariaina yoaro seheta  
mari jipachuta Cristo mehne marine catichu yoari  
jire. <sup>6</sup> ã jiro Cristo yaina mari wahachu, Cohamacu  
Cristo mehne marine maso, ã yoa manopu Cristo  
mehne dujihinare marine sō daporu jire, tiro  
mehne dutihina cjihti mari jihto sehe. Cristo  
yaina jina, āta wahaina baro jija mari, Cohamacu  
to ñuchu. <sup>7</sup> Õ seheta noano yoara tiro marine to  
pja ñurire, to tuaro cahirire baharopu jihinare  
masichu yoaro taro. Cristo yaina mari jichu ñuno

ã yuhduchu yoara tiro marine. <sup>8</sup> Cristore wacũ tua, mari noano tuhochu ñno Cohamacu marine pichacapu wahaborinare yuhduchu yoara. Marine pja ñno, marine cahno marine yuhduchu yoara. Mari mu suro mari noano yoaa mehne Cohamacu cahapu waha masieraja mari. Cohamacu sehe marine yuhduchu yoara. ã jiro tiro mehne mari ã jirucuhtore cuna marine. <sup>9</sup> To ã cuchu mari mu suro noaare mari yoari wapa jierara tí.

“ Sã mu suro yuhdahi’, niboca”, nino õ sehe dutiri jire tiro: Mari mu suro yuhdu dutierara marine. <sup>10</sup> Cristo yaina jichu yoare marine Cohamacu sehe noaa dihtare yoahina mari jihto sehe. Panopu noaare mari yoahire cũ tuhsu tiri jire tiro marine.

### *Cristore cjuana mari noano jija*

<sup>11</sup> ã jina panopu musa jia tirire mipu cahure wacuga musa. Cristo yaina jierasina judio masa jieraina jina musa coyea yoaro sehe yoarina jiri jimare musa. Circuncisiõre yoeraina jire musa mipu musa jiro seheta. Musa ã yoeraina jichu ñna sã judio masa sehe circuncisiõ yoaina sehe musare õ sehe nia tii. “Circuncisiõre yoeraina jia, Cohamacu yaina jierara”, nia tii musare. Circuncisiõre yoaina mu pjacure mahanocã cahsarocãre yihso narina jira. <sup>12</sup> Panopu Cristo yaina jierari jimare musa. Sã judio masa sehe Cohamacu to beseina jia tii. Sã ã jichu “Musare yuhduchu yoaihtja”, ni cã tihã Cohamacu sãre. Musa sehe to ã ni cõrina jierari jimare. ã yoã Cohamacu to beseinare ñu tuhtiina jisniri jimare musa. Musa ñaa buhirire pichacapu wahahtina jiri jimare musa.

Cohamacu maeraina jina pichacapu butiborina jia tiri jimare musa. <sup>13</sup> Mipure sehere Cristo Jesu yaina jira musa. Panopu Cohamacure ñu tuhtiina jipanahta, mipure to yaina jira musa. Cristo musa ñaa buhiri crusapu to di cohãri mehne Cohamacu yaina jichu yoare musare. <sup>14</sup> Sã judio masare cahma ñu tuhtiina musa jichu ñuno Cristo marine “Musa basi cahma ñu tuhtiena tjiga”, ni yahure. Masare noano yahuro jira tiro. Sã judio masa, judio masa jieraina mehne pu curua mari jichu ñuno, tiro cũ curuata yoare marine. Ducatari sahrĩnore ti tju site cohãno yoaro sehe mari cahma ñu tuhtirire duhuchu yoare tiro. <sup>15-16</sup> Õ sehe tíre yoare tiro: Mari ñaa buhirire crusapu yariaro marine pichacapu wahaborinare yuhduchu yoare. ã yuhduchu yoaro to yaina jichu yoare marine. ã yoaro pu curua mari jimaritore cũ curuata wahma curua jichu yoare marine. ã yoaro panopu mari cahma ñu tuhtiina mari jimaritore marine cũnoi noano jichu yoare. ã yoaro judio masa sã dutia cjirire cohãre tiro. Tí dutia marine pu curua ji dutiri jimare. Mipure cũ curuata jija mari. Cristo Cohamacu yaina jichu yoare marine.

<sup>17</sup> ã yoa Cristo noaa buheare marine yahuro tari jire. Musa judio masa jieraina Cohamacu yare cjaeraina jiri jimare. Musa ã jichu ñuno musare yahuro tari jire tiro. Sã judio masa sehe Cohamacu yare cjai. Sã cãhure yahuro tari jire. ã yahuro taro jipihtina marine cũ curuata noano mehne ji dutiro tari jire tiro. <sup>18</sup> Mipure jipihtina mari judio masa, judio masa jieraina cãhu Cohamacu mari Pucu mehne noano ji masija mari. Espíritu Santo

to yoadohoa mehne mari Puc̄u mehne noano ji masija mari. Cristo sehe marine ã noano jich̄u yoari jire. <sup>19</sup> ã jina mip̄ure pa dihta macaina yoaro sehe jierara m̄usa. Mip̄ure Cohamac̄u yainare ñ̄u tuhtiina jierara m̄usa. Cohamac̄u yaina mehne macaina jira m̄usa. To ya curua macaina jira m̄usa. <sup>20</sup> Cohamac̄u ya durucuare yahu turiaina, sã c̄h̄u to yare buhe dutiro to c̄rina jina to ya durucuare m̄sare yahu d̄cai sã, wahma w̄h̄ure Cohamac̄u ya w̄h̄ure ti dahre d̄cariro sehet̄a. Tí w̄h̄u ti c̄ m̄htari tãca yoaro sehe jiro Cristo sehe marine ȳhd̄ch̄u yoariro mariach̄u mari ne ȳhd̄eraboa. <sup>21</sup> ã jiro to tuua mehne marine to yainare c̄ curuata jich̄u yoare tiro, Cohamac̄u w̄h̄ure ñ̄aa marieni w̄h̄ure ti dahreboriro sehet̄a. To ã yoach̄u to tuua mehne noaina wahaja mari, Cohamac̄u to ñ̄ch̄u. Mari ã jich̄u ñ̄ano, tirota mari mehne jirucura. <sup>22</sup> ã jina Cristo yaina jina jipihtina paina to yaina mehne c̄ curua wahare m̄sa c̄h̄u. M̄sa ã wahach̄u Cohamac̄u to Esp̄ritu Santo m̄sa mehne jiro nina, Cohamac̄u ya w̄h̄u to jiboro sehet̄a.

### 3

#### *Judio masa jierainare noaa buheare yahuriro jiha Paulo*

<sup>1</sup> ã to ya curua macaina m̄sa jich̄u ñ̄cu ȳh̄u Paulo m̄sare sini payoja Cohamac̄ure. Cristo Jesu yare m̄sare jipihtina judio masa jierainare ȳ yahuri buhiri peresup̄u jija ȳh̄u. <sup>2</sup> Cohamac̄u wiho jiina mari jipach̄ta, marine cah̄no, noaa buheare m̄sare judio masa jierainare ȳh̄ure



yahu dutiro cūre. Tíre masi tuhsure m̄sa.  
<sup>3</sup> Panop̄ masare to yahuerari cjirire Cohamac̄ baharop̄are ȳhure masich̄ yoare. Ahrire mahanoc̄a yahu m̄sare joaroca tuhs̄hi. <sup>4</sup> Ȳh̄ ã joarocarire buhena Cristo to yare ȳhure to masich̄ yoarire masinahca m̄sa. <sup>5</sup> Tí to yahuri cjirire panop̄ macainare tiro yahuera tiha. Mip̄ sehere s̄are Jesu to cūrinare Cohamac̄ yare yahu m̄htaina cūhure s̄a jipihtina tirore dahra cohtainare to yahuri cjirire masich̄ yoare Cohamac̄. To yairo Esp̄ritu Santo sehe s̄are masich̄ yoabasare Cohamac̄ure. <sup>6</sup> Õ sehe jira to yahuri cjiri: S̄a judio masa dihtare Cohamac̄ ȳhd̄ch̄ yoaerara. Judio masa jieraina cūhure ȳhd̄ch̄ yoarohca tiro. ã jina s̄a judio masa, m̄sa judio masa jieraina mehne Cristo yaina jina, cū p̄jac̄ yoaro sehe cū curuata jija mari. ã jina mari jipihtina Cristo Jesu yaina jina c̄no potori Cohamac̄ “M̄sare ȳhd̄ch̄ yoaihtja”, ni to ȳhd̄ch̄ yoaina jija mari.

<sup>7</sup> Cohamac̄ ȳhure p̄ja ñ̄no, ȳhure cah̄no ahri noaa buheare yahuhtirore ȳhure cūre. To tuaa mehne ã cūre ȳhure tiro. <sup>8</sup> Jipihtina Jesu yaina ti doca macar̄iro waro jija ȳh̄. Ȳh̄ ã jipach̄ta judio masa jierainare noaa buheare yahuhtirore cūre Cohamac̄ ȳhure. Tí buhea Cristo noa ȳhd̄ariro to jiare, noa ȳhd̄a to c̄jaare to wahtire yahura marine. <sup>9</sup> Ȳhure ã cūno Cohamac̄ “Õ sehe ȳhd̄ch̄ yoaihtja masare”, nino to ȳhd̄ch̄ yoah̄tore noano yahu pah̄nohtirore cūre ȳhure tiro. ã jiro panop̄ macainare tí buheare ne yahu pah̄noerasinia tiha Cohamac̄. Jip-

ihtiare bajuamehneriro jira tiro. <sup>10</sup> Mipure noaa buheare yahu dutiro cūre marine to yainare tiro to noano masi pahñoare masichu yoaro taro. Masi pahñoriro to jia tiare mūano macaina puhtoare masichu yoa duari jire. Ā yoaro taro noaa buheare buhe dutire marine Jesu yainare. <sup>11</sup> Ahri yahpa to jihto panoputa “Masare pichacapu wahaborinare yuhduchu yoaihtja”, nia tiha Cohamacu. Ā niriro jiro mipure mari puhtoro Cristo Jesu yaria to masa mūjano mehne to niriro seheta marine yuhduchu yoara Cohamacu. <sup>12</sup> To ā yuhduchu yoachū mipure Cristore wacū tuana to yaina wahaja mari. To yaina jina wacū tuaa mehne, cuiro marieno Cohamacu mehne durucu masija mari. <sup>13</sup> Noaa buheare mū sare yu buheri buhiri mipure peresupu jicu yu ñano yuhduchu ñuna cahyaena tjiga. Noaa buheare yu yahuchū tuhona Cohamacu yaina wahare mūsa. Yu ā yoari buhiri peresui jija. Ā jicu mū sare yu yoadohori buhiri ñano yuhduci nija. Mūsa noano yuhduhto sehe ā wahaja yuhū. Tíre masina wahchega mūsa. Tíre tuaro wahche dutija mū sare.

### *Cristo masare tuaro cahña*

<sup>14</sup> Ā jicu ahri jipihtia Cohamacu mari Pūcu to yoarire wacūcu tiro pano na tuhcuca caha sūcu sini payoja mū sare. <sup>15</sup> Tiro jipihtia curuari macaina mūanopu jiina, ahri yahpai jiina cūhu ti Pūcuaro jira. Jipihtinare bajuamehneriro jira tiro. <sup>16</sup> Tirore ō sehe ni sini payoja mū sare: Tiro masi pahñoriro jira. Tua yuhduariro jira. Ā jicu to tuaa mehne mū sare noano to wacū tuachu yoahito sehe sini payoja. Espíritu Santo to yoadohoa mehne ā

yoarohca. <sup>17</sup> Ñ sini payocũ Cristore mũsa wacũ tua namohto sehe tiro mũsa mehne to noano jihto sehe sini payoja mũsare. Ñ jicũ painare noano cahĩna mũsa jihto sehe sini payoja mũsare. <sup>18-19</sup> Jipihtina paina Cohamacũ yaina cũhũ mũsa mehne Cristo masare to tuaro cahĩare mũsa masihto sehe sini payoja. Tiro jipihtina masare cahĩ yũhdũariro jira. To ã cahĩ yũhdũarire noano masi pahũohto basioerara. Ñ jipachũta to ã cahĩro to jia tiare mũsa noano masihto sehe sini payoja mũsare. Ñ yoa to cahĩare mũsa masichũ cahmaja Cohamacũ mũsa mehne to noano jihto sehe. Noa yũhdũariro, ñaa marieriro to jiro seheta mũsa wahahto sehe to cahĩare mũsa masichũ cahmaja. Ñ jicũ to cahĩare mũsa masihto sehe sini payoja mũsare Cohamacũre.

<sup>20-21</sup> Ñ yoa Cohamacũre pjĩro ño payoa mehne “Tiro tuariro jira”, nijihna. To tuaa mehne noaa sehere cohtota masina marine tiro. Marine noaina jichũ yoa masina. Mari siniri yũdoro yoa masina tiro. Mari cahmaare mari tũhoturi yũdoro yoa masina tiro. Cristo Jesu yaina to ya curua macaina jina jipihtia dachoripe jipihtina Cohamacũre ño payojihna. Ñta yoajihna.

## 4

### *Cristo yaina jina cã curuata jija mari*

<sup>1</sup> Ñ jicũ yũhũ, mari pũhtoro Cristo to cahmaare yũ yoari buhiri peresupũ jiriro jicũ, mũsare õ sehe ni tuaro dutija: Cohamacũ to yaina cjihtire mũsare besea tiri jire. Ñ to beserina jina to

cahmano seheta yoaina jiga m̄sa. <sup>2</sup> “Sã pinihta masi ȳhd̄ur̄ucaina jija”, ni t̄hotuina j̄iena tjiga. Painare noano mehne yoaga suaro marieno. M̄sa mehne macaina m̄sare ti ñano yoapach̄ata tinare cah̄ña mehne noano yoaga. <sup>3</sup> ã jina Esp̄ritu Santo to yoadohoa mehne noano mehne cãno mehne jirucuga m̄sa. ã yoana cahmachea marieno jinahca m̄sa. <sup>4</sup> Cũ p̄jac̄u yoaro seheta cũ curuaihta jija mari. ã yoa Esp̄ritu Santo cãirota jira. Cohamac̄u to yaina c̄ihti m̄sare besea tiha m̄sare ȳhd̄uch̄u yoaro taro. ã jina to ȳhd̄uch̄u yoah̄tore cohtasinina m̄sa. Cãnota jira m̄sa cohtaro. <sup>5</sup> Mari p̄h̄toro Cristo cãirota jira. To yahua, mari wacũ tuaa cãh̄u cãnota jira. To yainare bautisarire yahua cãh̄u cãnota jira. <sup>6</sup> ã jiro Cohamac̄u cãirota jira. Tiro jipih̄tina P̄uc̄uro jira. ã jiro jipih̄tina mari p̄h̄toro jira. Jipih̄tinare marine to cahmano seheta yoach̄u yoa masina tiro. Jipih̄tina mari mehne jira. ã yoa jipih̄tirop̄u jira tiro.

<sup>7</sup> Cũ curua mari jipach̄ata jipih̄tina marine cãinare mari yoa masihtire cũre marine Cristo. Tiro to cũriro seheta yoa masija mari. Tiro marine ã cũno paye barore to ã wanocaboriro seheta yoaro nire tiro. <sup>8</sup> ãta nina Cohamac̄u yare ti joari p̄ũp̄u:

“Cohamac̄ure ñu tuhtiinare to ȳhd̄ur̄ucari baharo tiro tinare naa m̄j̄jaa wahare.

ã naa m̄j̄jano tiro paȳu ã wanocare ahri yahpa macaina sehere”,  
ni joaa tiha panop̄ure.

<sup>9</sup> “Tiro m̄j̄jaa wahare”, to nich̄u wahmanore m̄hanop̄u jiriro ahri yahpap̄ure to tari cãh̄ure

mari masija. Ahri yahpapure to duji tarire mari masija. <sup>10</sup> ã jiro õpure duji tariro tirota jira mɔjaa wahariro. Jipihtiro bui mɔjaa wahari jire tiro, jipihtiropɔ jiro taro. <sup>11</sup> Tiro jira “Ahri yahpa macainare payɔ ã wanocariro”, ti niriro. Masare to ã wanocano seheta tiro payɔ ti yoa masihtire cūri jire masare. Õ sehe cūri jire tiro: Cāinare Cristo to yare yahu duti to warocahtinare cūri jire. Painare Cohamacɔ ya durucuaire yahu turi-ahtinare cūri jire. Noaa buheare buhe tinihtinare painare cūri jire. Cristo yaina cahmachuinare ñɔ wihboina cjihtire, noano buhehtina cjihtire cūri jire painare. <sup>12</sup> Tó sehe yoa, dahrahtina cjihtire cūri jire marine painare to yainare mari yoadohohto sehe Cohamacure mari masi noano namohto sehe. ã cūri jire marine to yainare tirore mari wacū tua namohto sehe. <sup>13</sup> ã jina mari jipihtina noano mehne cāno mehne jinahca. ãta jiro cahmana marine Cristore wacū tuaina jina. ã jina mari jipihtina Cohamacɔ macɔnore noano masinahca. ã yoana Cristo tuariro, noano masiro to jiro seheta mari cūhɔ noano masiina, Cohamacure noano wacū tuaina wahanahca.

<sup>14</sup> Mari ã wahana macanacã yoaro sehe jisi mari. Macanacã noano tɔho masierasinica. Paina ti buhechɔ “Ahri potocã jira”, ni ti mahño mihnia mehne ti mahñocheɔ tinacã yoaro sehe jiina soro jia buheare cahmana. ã yoa paina ti soro buhechɔ tí buhea sehere cahmana tjoa. Pjiri ma macaa pahcōri ti ã cohtotarucuro seheta tó sehe ã cohtotarucuina jira tinacã yoaro sehe jiina. Tina yoaro sehe jisi mari. <sup>15</sup> Õ seheta yoanahca mari: Mari

mehne macainare cahma cahĩna, potocã noaa buheare cahma yahunahca mari basi. ã yoana macanacã buc̃ua tuho masiina ti wahariro seheta mari c̃uh̃ tuaina, Cohamacu yare noano masiina wahanahca. Cristo to jiro sehe wahanahca. Tiro jira mari dapu. <sup>16</sup> To yaina jina to pjacu yoaro sehe cã curuaihta jija mari. ã jina mari capari, mari cahmori, mari dahpori cã pjacui ti noano jiro seheta mari c̃uh̃ payu jipanahta cãno potori noano jija. Mari ã cãno potori mari jihto sehe Cristo yoadohora. ã jina mari wamomaca mari pjacure to noano yoadohoriro seheta mari noano yoadohoja paina Cristo yainare. Mari mehne macainare Cristo yainare noano cahĩna, tinare noano yoadohona, tuaina Cristore wacũ tua namoina wahanahca mari.

*Cristo yaina wahana mari ñaa yoaare duhu, noaa sehere cohtotaja mari*

<sup>17</sup> ã yoa mari puhtoro Cristo to dutiro mehne õ sehe nihtja musare: Cohamacure cahmaeraina waro yoaro sehe yoaena tjiga musa. Tina ti tuhotua sehe ñaa dihta jira. ã jia ti tuhotua yaba cjihti jierara. <sup>18</sup> ã jia nahitianoĩ ti ñu masieraro seheta tina Cohamacu yare ne masieraputiara. To yare ne tuhoeraputiara. Tuho duaerara tina. ã jia Cohamacu to noano ji dutiro seheta jierara tina. <sup>19</sup> ã jia tina ñaare yoa ne buo tieraputiara. ã yoa ne cahyaerara. Ñaare ti goa pjaa dihtare yoarucura. Jipihtia ti ñaare yoaare duhu duaerara. <sup>20</sup> Musa sehe ã yoaerare, Jesure masi ducana. <sup>21</sup> Potocã to yare tuhoina musa jichu,

Jesu yare noano masiina m̄sa jich̄ m̄sa sehere tina yoaro sehe yoa dutierara tiro. <sup>22</sup> ã jina ñano wete tia suhtire m̄sa tjuwe cohãno seheta panop̄ m̄sa yoari cjirire duhunocahga. Tí pjare ñaare yoarucuina m̄sa jich̄ tí ñaa sehe m̄sare dojomehneno niri jimare. “Ñaare yoana, noano wahchenahca”, ni t̄hotuina jipanahta ne potocã wahcherare m̄sa. <sup>23</sup> ã yoa m̄sa t̄hotuare noaa sehere Cohamac̄ to cahmano seheta cohtotaro cahmana m̄sare. <sup>24</sup> ã jina noaa sehere cohtotaina jiga m̄sa. Tó sehe jiina Cohamac̄ yoaro seheta jira. M̄sa ã jiina jina, noaare yoarucunahca. ã yoana ñaare ñ̄ yabinahca.

<sup>25</sup> ã jina mahño namoena tjiga m̄sa. M̄sa mehne macainare quihõno yahuga, mahño no marieno. Mari c̄ pjac̄ yoaro sehe c̄ curua macainata jina nija. ã jina m̄sa mehne macainare mahñoena tjiga.

<sup>26</sup> Paina mehne suana, ñaano yoaena tjiga. ã jina suana, c̄ dacho waro noano suarucuena tjiga. <sup>27</sup> Yoari pja suana, wat̄no to cahmano sehe yoana nica. ã yoaena tjiga wat̄no m̄sare “Dojomehneri”, nina.

<sup>28</sup> M̄sa mehne macaina Jesu yaina m̄sa jihto pano yacaina jirina cjiri pari turi yacaena tjiga. ã yoana mip̄ sehere noano dahruga m̄sa wapataa mehne pjac̄oinare m̄sa yoadohohto sehe.

<sup>29</sup> Ne ñano durucuena tjiga “Painare dojomehneri”, nina. Noaare durucuna painare yoadohora Cohamac̄ cahmaare m̄sa masi namohto sehe. ã jina noaa dihtare durucuga.

<sup>30</sup> Ñaare yoana Espíritu Santore cahyach<sub>u</sub> yoana nica m<sub>u</sub>sa. Ñ yoaena tjiga. Mip<sub>u</sub>re pihtiri dacho pano Cristo marine to naaht<sub>o</sub> pano Cohamac<sub>u</sub> to Espíritu Santo marine ñ<sub>u</sub> wihbora ñaare mari yoaerahto sehe. Ñ jiro Cohamac<sub>u</sub> yaina mari jiare masich<sub>u</sub> yoara tiro marine. Ñ jina tirore cahyach<sub>u</sub> yoaena tjiga.

<sup>31</sup> Ñ jina ne painare ñano yoa namoena tjiga. Cahma sayo namoena tjiga. Painare sua, ñano ni sañurucu namoena tjiga. Painare ñano quti dahre namoena tjiga. Ne painare ñano ni t<sub>u</sub>hotu namoena tjiga. <sup>32</sup> Ñ yoa m<sub>u</sub>sa mehne macainare noano mehne noano yoaga. Cristo yaina m<sub>u</sub>sa jich<sub>u</sub> ñ<sub>u</sub>no m<sub>u</sub>sa ñaa buhirire bonocahre Cohamac<sub>u</sub>. Tó sehet<sub>a</sub> m<sub>u</sub>sa c<sub>u</sub>h<sub>u</sub> paina m<sub>u</sub>sare ti ñano yoach<sub>u</sub> ñ<sub>u</sub>na ti ñaa yoarire bonocahga.

## 5

*“Cohamac<sub>u</sub> poh<sub>n</sub>are ò sehe jiro cahmana”, ni yahuha Paulo*

<sup>1</sup> Ñ yoa Cohamac<sub>u</sub> poh<sub>n</sub>a to cah<sub>ñ</sub>ina jina Cohamac<sub>u</sub> to jiro sehe jiga m<sub>u</sub>sa. <sup>2</sup> Ñ jina painare ã cah<sub>ñ</sub>rucuga. Cristo marine cah<sub>ñ</sub>o, mari ñaa buhiri yariari jire. Ñ yariaro Cohamac<sub>u</sub>re ji coach<sub>u</sub> yoari jire tiro. Ñ jina marine to cah<sub>ñ</sub>iro sehet<sub>a</sub> m<sub>u</sub>sa c<sub>u</sub>h<sub>u</sub> painare cah<sub>ñ</sub>ga.

<sup>3</sup> Ñ jina Cohamac<sub>u</sub> yaina jina ne numia mehne ñano yoaena tjiga. Numia c<sub>u</sub>h<sub>u</sub> m<sub>u</sub>a mehne ñano yoaena tjiga. Paye ñaare tó sehe jia ñaare yoaena tjiga. Paye barore cahma y<sub>u</sub>hd<sub>u</sub>rucaena tjiga. Ne ã yoareraro cahmana m<sub>u</sub>sare, Cohamac<sub>u</sub> yaina jina.



<sup>4</sup> ã yoana buoro durucueraro cahmana musare. Tuho masieraina yoaro sehe durucueraro cahmana musare. ã jina ñano ni bujperaro cahmana musare. Ahri sehere yoaro cahmana musare. Cohamacu mehne durucuga musa. ã durucuna tirore “Noano yoahre mahu sare”, nino cahmana. <sup>5</sup> Paye barore goa pjana, tíre tuaro cahmana, “Cohamacu jira”, ti nia masurine ti ño payoro seheta yoana nija mari tíre. ã yoa numia mehne ñano yoaina, ñaa dihtare tūhotuina, paye barore goa pjaina Cohamacu Cristo mehne puhtoro ti suho jiropu ne wahasi tina. Tíre noano masija mari. <sup>6</sup> Õ sehe yoaina ti yoari buhiri buhiri dahrerohca Cohamacu tirore yuhdurcainare. ã jina paina musare “Ahri ñaa jierara”, ti ni mahñochu tūhoena tjiga. <sup>7</sup> ã jina tó sehe yoa yuhdurcainare ne piti tiena tjiga.

<sup>8</sup> Cristo yaina musa jihto pano ã jirina cjirita jire musa cāhu nahitianoí jiina yoaro seheta. Mipu sehere to yaina jina buhriaroi jiina ti ñu masino seheta, Cohamacu noano masina musa. Cohamacu yaina noaare yoara. ã jina tó seheta yoaga musa cāhu. <sup>9</sup> ã jina Cristo yaina jina buhriaroi jiina yoaro seheta noaare, Cohamacu cahmaare, mahño no marieno yoarucunahca musa. <sup>10</sup> Noaare mari yoachu ñu no mari puhtoro Cristo wahchera. Tó sehe jiare, mari puhtorore wahchechu yoaa sehere masi wahcāga musa. ã masina tíre yoaga. <sup>11</sup> Cristore cahmaeraina nahitianoí jiina yoaro seheta ñaa ti yoaa, ñaa waro jira. ã jina tina yoaro seheta

musa sehe yoarena tjiga. Noaa buheare Cristo yare yahuga tinare. Ñ yoa ti ñaa yoare tinare masichu yoaga buhriaroi mari ñu masino seheta. <sup>12</sup> Masa ti ñuenoi tina ñano yoa cohtara. Ti ã yoarire durucuna mari buo tibo. Ñ yoaa ñaputiaro yoara tina. <sup>13</sup> Ñ jina tinare noaa buheare mari yahuna ñaputiina ti jia tiare masichu yoana nija mari tinare buhriaroi mari ñu masino seheta. <sup>14</sup> Tó seheta noaa buheare tinare yahuna, ñaina ti jia tiare masi pahñochu yoana nija tinare. Ñ jia õ sehe ni yahura paina:

“Ne, carĩina ti tuhoeraro seheta yuhure tuho du-aeraina, tuhoga musa carĩina ti wahcãno seheta.

Ñ yoana yariaina tuhoeraina ti jiro seheta Cohamacu yare tuhoeraina ji namoena tjiga. Musa ã yoachu ñuno, Cristo buhriaro yoaro sehe jiriro musare noano masichu yorohca”, ni yahura.

<sup>15</sup> Ñ jina dachoripe noano yoaga musa. Tuho masieraina yoaro sehe jiena tjiga. Tuho masiina jiga. <sup>16</sup> Mipũ macaina masa ñabiaro yorarucura. Ñ jina musa sehe noaare, Cristo yare musa yoa masino seheta ã yorarucuga musa. <sup>17</sup> Ñ yoana tuho masieraina jiena tjiga. Cohamacu to cahmaa sehere noano masiga. Ñ masina tíre yoaga. <sup>18</sup> Ñ yoa cahaena tjiga. Cahainare ñano wahahto cua yuhduara. Ñ jina pahmoa core pjíro cahmaena tjiga. Espíritu Santo sehere pjíro cahmaga musa mehne to noano jihto sehe. Tirore noano yuhtiina jiga. <sup>19</sup> Musa basi Cohamacure ño payoa basaare cahma durucuga. Ñ yoa Salmore Cohamacu yare

basaare, paye tirore ño payoa basaa cūhure tirore basa payoga m̄sa. Noano wacū ño payoa mehne basa payoga. ã yoana mari p̄htoro Cristore wahche payoga. <sup>20</sup> Cohamac̄ mari P̄c̄ jipih-tiare m̄sare to warire, to yoari cūhure wahchena, “Noana”, ã nirucuga m̄sa tirore. Mari p̄htoro Jesucristo yaina jina mari P̄c̄h̄re “Noana”, ã nirucuga m̄sa.

*“M̄sa cūh̄ w̄h̄ macaina Jesu yaina jina, ã sehe yoaga”, ni yahuha Paulo*

<sup>21</sup> ã yoa m̄sa mehne macainare noano ño payoa mehne cahma ȳhtiina jiga Cristore noano ño payoia jina.

<sup>22</sup> M̄sa namos̄numiare yahuihtja mip̄re. Mari p̄htoro Cristore mari ȳhtiro sehta m̄sa man̄sumare noano mehne ȳhtia numia jiga.

<sup>23</sup> Jesucristo marine ȳhd̄ch̄ yoare to p̄jac̄ yoaro sehe jiina to ya curua macaina mari jihto sehe. ã yoa mari to ya curua macaina mari p̄htoro to jiro sehta m̄sa man̄suma m̄sa namos̄numia bui p̄htoa jira. <sup>24</sup> Cristo yaina jina tirore ã ȳhtirucuja mari. Tó sehta m̄sa man̄tia numia m̄sa man̄sumare noano ȳhtirucua numia jiga.

<sup>25</sup> M̄sa man̄sumare yahuihtja tjoa mip̄re. Cristo marine to yaina jich̄ yoaro taro, marine cah̄no, mari yaro jiborirore yariari jire. ã jina marine to cah̄iro sehta m̄sa cūh̄ m̄sa namos̄numiare noano cah̄rucuga. <sup>26</sup> Cristo ya buheare t̄hona Cohamac̄ yaina wahahi mari. ã jina to ya buheare “Quih̄no jira”, ni mari t̄hoturi baharo, mari ñaa buhirire cosawere tí

buhea mehne. Co mehne marine ti bautisach<sub>u</sub> c<sub>u</sub>h<sub>u</sub>re mari ñ<sub>aa</sub> buhirire Cristo to cosawerire ñ<sub>ona</sub> nija mari. <sup>27</sup> A cosawere tiro marine to yaina cjihti yoaro taro. To ã cosawech<sub>u</sub> ne ñ<sub>aa</sub> buhiri marieina jinahca, Cohamac<sub>u</sub> to ñ<sub>u</sub>ch<sub>u</sub>. <sup>28</sup> M<sub>usa</sub> namosãnumiare cahĩna, m<sub>usa</sub> basi m<sub>usa</sub> pjac<sub>u</sub>rire m<sub>usa</sub> cahĩno seheta tí numiare cahĩga. Mari namore cahĩina jina mari pjac<sub>u</sub>re cahĩina jija. <sup>29-30</sup> Ne mari pjac<sub>u</sub>rire ñ<sub>ano</sub> wahach<sub>u</sub> cahmaeraja. Mari ch<sub>u</sub>are ch<sub>u</sub>na noano yoana nija mari pjac<sub>u</sub>rire. Cristo yaina jina to pjac<sub>u</sub> yoaro sehe to ya curua macaina jija mari. ã jiro marine noano yoara tiro. Cristo marine to noano yoiaro seheta mari c<sub>u</sub>h<sub>u</sub> mari pjac<sub>u</sub>re noano yoaja. (ã jina mari namosãnumia c<sub>u</sub>h<sub>u</sub>re ãta noano yoaro cahmana marine.) <sup>31</sup> ãta nina Cohamac<sub>u</sub> yare ti joari p<sub>u</sub>i: “ã yoa m<sub>u</sub>no to p<sub>u</sub>c<sub>u</sub>s<sub>u</sub>mare wijaaro to namono mehne jirohca. ã jia tina p<sub>u</sub>aro jipahta cãiro yoaro sehe jiahca”, ni joaa tiri jire panop<sub>u</sub>re. <sup>32</sup> Ahri to joari cjirire paina noano t<sub>u</sub>hoerari jire. Tíre õ sehe ni yahuihtja m<sub>u</sub>sare. Õ sehe ni yahuro nica: “Cristo to yaina mehne cã pjac<sub>u</sub> yoaro seheta cã curuata jira”, ni yahuro nica. <sup>33</sup> ã jic<sub>u</sub> m<sub>u</sub>sare õ sehe ni yahu namoihtja tjoa: M<sub>usa</sub> pjac<sub>u</sub>rire m<sub>usa</sub> cahĩno seheta m<sub>usa</sub> namosãnumiare cahĩga. ã yoa m<sub>usa</sub> man<sub>u</sub>s<sub>u</sub>mare noano ñ<sub>o</sub> payoga m<sub>usa</sub>.

## 6

<sup>1</sup> Mip<sub>u</sub>re m<sub>usa</sub> poh<sub>u</sub>nare yahuihtja. Mari p<sub>u</sub>htoro Cristo yaina jina m<sub>usa</sub> p<sub>u</sub>c<sub>u</sub>s<sub>u</sub>mare noano y<sub>u</sub>htiina jiga. M<sub>usa</sub> ã yoana, quihõno yoana nina. <sup>2-3</sup> Õ sehe nia tiri jire Cohamac<sub>u</sub> dutia: “M<sub>usa</sub> p<sub>u</sub>c<sub>u</sub>s<sub>u</sub>mare

noano ño payoga”, ni dutia tiri jire tiro. Ahri dutia mehne Cohamacu yahu namoa tiri jire. Õ sehe nia tiri jire: “Musa pucsumare ño payona, ahri yahpapu yoari pja wahchea mehne jinahca musa”, ni yahua tiri jire. ã ni yahuro ahri dutiare mari yuhtichu mari noano wahahtore coã cūno nia tiri jire. ã jina to niriro seheta musa pucsumare ño payoga.

<sup>4</sup> Mipure ti pucsumare yahuihtja: Musa pohmare ã tuhtirucuena tjiga, “Suachu yoari”, nina. Mari puhtoro Cristo to cahña mehne to yoadohoa mehne tinare noano bucoga. ã yoa quihõno ti yoerachu ñuna tinare noano yahuga.

<sup>5</sup> Mipure dahra cohtainare yahuihtja: Cua pisaro mehne, ño payoa mehne ahri yahpa macainare musa puhtoare, musare dahra dutiinare noano yuhtiina jiga. Mahñono marieno noano yuhtiina jiga. Cristore musa yuhtiro seheta tinare yuhtiga musa.

<sup>6</sup> Ti ñurocaro dihtare yuhtiina jiena tjiga. Tó sehe yoaina masa dihtare tinare ñu jicoachu cahmana. Musa sehe Cristore dahra cohtaina musa jiro seheta musa puhtoa cahure ã yuhtirucuga. Cohamacu to cahmano seheta noano wahchea mehne yuhtiina jiga. <sup>7</sup> ã jina Cristore yuhtiina musa jiro seheta wahchea mehne yuhtiga musa puhtoa cahure. Masa dihtare yuhtiina jierara musa. <sup>8</sup> ã yoana ahrire wacūga musa: Mari jip-  
ihtina noaare mari yoachu ñuno mari puhtoro Cristo noano yoarohca marine. Dahra cohtainare, dahra cohtaina jieraina cahure noano yoarohca.

<sup>9</sup> Mipure puhtoare dahra dutiinare yahuihtja:

Musare dahra cohtainare noano yoaga. Tinare noano yu yoa dutiro sehetä yoaga musa cãhu tinare. Tinare noano mehne dutiga, tuhtiro marieno. Mũano macariro Cohamacu potocãta ti puhtoro jira. Musa yairo puhtoro jira tiro cãhu. Ñ jina jipihina musa tirore dahra cohtaina dihta jira. Ñ jiro tiro cãno potori ñuna musare jipihinare. Ñ jina musare dahra cohtainare noano mehne dutiga, tuhtiro marieno.

*Cristo yaina watĩnore ti ducataare yahuha Paulo*

<sup>10</sup> Ahrire yahu batoihtja musare: Cristore noano wacũ tuaina jiga musa. Mari puhtoro Cristo musa mehne jira. Ñ jina tua yuhduro to jia mehne wacũ tuaina jiga. <sup>11</sup> Watĩno marine mahõno, ñano yoä dutira marine. Cohamacu marine ducatare ñaare mari yoärahto sehe. Marine to ducataa surara to ducatarĩ suhtiro, comaa suhtiro yoaro sehe jira. Ñ jina tí suhtirore musa sãano sehetä Cohamacu to ducataare noano cjuä pahõoga. <sup>12</sup> Jesu yaina mari jichu, marine ñu tuhtiina masa waro jierara. Mũano macaina ñaina, tuaina, tina sehe jira marine ñu tuhtiina. Watĩa ahri yahpa macaina puhtoa jira. Ñ jia tina cãhu jira marine Jesu yainare ñu tuhtiina. <sup>13</sup> Ñ jina mipure ducatarĩ suhtirore musa sãano sehetä Cohamacu musare to ducatahto sehe to yare noano cjuä pahõoga. Ñ yoana watĩno musare to ñano yoä dutichu, musare to ñano yoä duachu, tirore ducatanahca. Ñ yoä tirore yuhducanahca. <sup>14</sup> Ñ yoana tuaina jiga. Cohamacu musare to ducatahto cjihtore õ sehe yoaga musa: Surara to comaa suhtirore

to tũã dihori dare sari dare noano tũã diho to dũcatariro seheta, Cohamacũ yare potoca yahuaire noano wacũga mũsa, watĩnore mũsa dũcatahto sehe. ã yoa, surara to comaa suhtiro mehne to yajeripohnare to dũcatariro seheta Cristo to yoadohoa mehne quihõno yoaina jiga mũsa, watĩnore mũsa noano dũcatahto sehe. <sup>15</sup> Surara to dahpo suhti mehne to dahporire to noano dũcatariro seheta noaa buheare noano masiga mũsa, watĩnore mũsa dũcatahto sehe. Tí buhea marine noano jichũ yoara. <sup>16</sup> Surara to dũcatari tũ mehne to dũcatariro seheta Cristore noano wacũ tuarucuga mũsa, watĩnore mũsa dũcatahto sehe. Buea yucũ mehne mũsare to bueboro seheta watĩno mũsare ñano yoachũ yoa duara. ã jina Cristore noano wacũ tuana, watĩnore dũcatanahca mũsa. <sup>17</sup> Surara to comaa chapea mehne to dapore to dũcatariro seheta mũsare pichacapũ wahaborinare Cristo to yũhdũchũ yoarina jiga mũsa, watĩnore mũsa dũcatahto sehe. Surara to ñosari pjĩ mehne to dũcatariro seheta Cohamacũ ya buheare noano masiga mũsa, noano mũsa dũcatahto sehe. ã jina painare noano yahuga to yare. Tí Cohamacũ ya buheare Espĩritu Santo marine yahura. <sup>18</sup> ã watĩnore mũsa dũcatana Cohamacũre dachoripe ã sinirucuga. Espĩritu Santo to yoadohoa mehne ã sinirucuga. ã yoana noano wacũ masiga. ã sinina, pumena tjiga. Jipihina Cohamacũ yainare ã sini payorucuga. <sup>19</sup> ã yoana yũhũ cũhũre sini payoga Cohamacũre. Õ sehe ni sini payoga: Noaa buheare, panopũ ti masierari cjirire noano yũ yahuhto sehe sini payoga yũhũre. ã jina cuiro

marieno yu yahuhto sehe sini payoga yuhure.  
<sup>20</sup> Cristo to yare yahu dutiro yuhure warocare. Yu  
 ã yahuri buhiri peresuru jija mipure. Ōi jipacuta  
 cuiro marieno to yare yu yahuhto sehe sini payoga  
 yuhure. To yare yahuhtiro jiita nija yuhu.

*Paulo noa duti batoaha*

<sup>21</sup> Mipure Tiquico musa caharu saro yu jia tiare  
 musare yahu pahñonohca. Tiro mari coyeiro mari  
 cahñiro jira. ã jiro mari puhtoro Cristore dahra  
 cohtariro ã jirucura. <sup>22</sup> Sã jia tiare musare yahu  
 duticu tirore warocai nija musa noano wahchehto  
 sehe.

<sup>23</sup> Cohamacu mari Pucu mari puhtoro Jesucristo  
 cãhu musare Jesu yainare tirore wacũ tuainare  
 noano jichu yoajaro. ã jiro musare noano cahma  
 cahñichu yoajaro. <sup>24</sup> Jipihtina mari puhtoro Jesu-  
 cristore cohtotaro marieno cahrucuinare musare  
 noano jichu yoajaro.



## **Cohamacu Yare Yahari Tjuel New Testament in Guanano**

copyright © 2007 Wycliffe Bible Translators, Inc.

Language: Guanano

Translation by: Wycliffe Bible Translators, Inc.

### **Copyright Information**

© 2007, Bible League International. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

### **The New Testament**

in Guanano

© 2007, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-08-06

---

PDF generated using Haiola and XeLaTeX on 11 Nov 2022 from source files  
dated 29 Jan 2022  
1f3a4366-edba-553b-a17f-bc47c9049c98